

গণপ্রজাতন্ত্রী বাংলাদেশ সরকার  
মাধ্যমিক ও উচ্চ শিক্ষা বিভাগ  
শিক্ষা মন্ত্রণালয়  
বাজেট শাখা

**“বেসরকারি শিক্ষা প্রতিষ্ঠানে ল্যাবরেটরি যন্ত্রপাতি/সামগ্রী বিতরণের জন্য প্রতিষ্ঠান নির্বাচন নীতিমালা (সংশোধিত-২০১৭)”**

বেসরকারি শিক্ষা প্রতিষ্ঠানসমূহে ল্যাবরেটরি যন্ত্রপাতি/সামগ্রী বিতরণের জন্য সরকার আর্থিক মঞ্জুরি প্রদান করে। বরাদ্দকৃত অর্থের যথাযথ ব্যবহার নিশ্চিতকরণের লক্ষ্যে উপযুক্ত শিক্ষা প্রতিষ্ঠান নির্বাচনের উদ্দেশ্যে নিম্নবর্ণিত নীতিমালা প্রণয়ন করা হলো।

২। শিরোনাম : এ নীতিমালা মাধ্যমিক ও উচ্চ শিক্ষা বিভাগ, শিক্ষা মন্ত্রণালয়ের অননুয়ন রাজস্ব বাজেটের আওতায় “বেসরকারি শিক্ষা প্রতিষ্ঠানে ল্যাবরেটরি যন্ত্রপাতি/সামগ্রী বিতরণের জন্য প্রতিষ্ঠান নির্বাচন নীতিমালা (সংশোধিত-২০১৭)” নামে অভিহিত হবে।

৩। শিক্ষা প্রতিষ্ঠান নির্বাচন কমিটি:

ক) প্রতিটি উপজেলায় সংশ্লিষ্ট অর্থবছরের জন্য বেসরকারি শিক্ষা প্রতিষ্ঠান নির্বাচন নিম্নোক্ত কমিটির মাধ্যমে সম্পাদিত হবে (ঢাকা, রাজশাহী, চট্টগ্রাম, খুলনা, বরিশাল, সিলেট, রংপুর ও ময়মনসিংহ মহানগর এলাকা ব্যতীত) :

**উপজেলা পর্যায়ে কমিটি হবে নিম্নরূপ:**

১)	উপজেলা নির্বাহী অফিসার	-	সভাপতি
২)	সহকারী কমিশনার (ভূমি)	-	সদস্য
৩)	উপজেলা সদরের একজন বেসরকারি কলেজের অধ্যক্ষ (উপজেলা নির্বাহী অফিসার কর্তৃক মনোনীত)	-	সদস্য
৪)	উপজেলা সদরের একজন বেসরকারি স্কুলের প্রধান শিক্ষক (উপজেলা নির্বাহী অফিসার কর্তৃক মনোনীত)	-	সদস্য
৫)	উপজেলা সদরের একজন বেসরকারি স্কুলের প্রধান শিক্ষিকা (উপজেলা নির্বাহী অফিসার কর্তৃক মনোনীত)	-	সদস্য
৬)	সদর ইউনিয়ন পরিষদের চেয়ারম্যান/পৌরসভার চেয়ারম্যান/ সিটি কর্পোরেশনের মাননীয় মেয়রের প্রতিনিধি	-	সদস্য
৭)	উপজেলা সহকারী প্রোগ্রামার (UIRTCE)	-	সদস্য
৮)	উপজেলা মাধ্যমিক শিক্ষা অফিসার	-	সদস্য সচিব।

খ) ঢাকা, রাজশাহী, চট্টগ্রাম, খুলনা, বরিশাল, সিলেট, রংপুর ও ময়মনসিংহ মহানগর এলাকার শিক্ষা প্রতিষ্ঠান নির্বাচন নিম্নোক্ত কমিটির মাধ্যমে সম্পাদিত হবে:

১)	অতিরিক্ত বিভাগীয় কমিশনার (সার্বিক)	-	সভাপতি
২)	অতিরিক্ত জেলা প্রশাসক (শিক্ষা ও উন্নয়ন)	-	সদস্য
৩)	জেলা শিক্ষা অফিসার	-	সদস্য
৪)	একজন বেসরকারি কলেজের অধ্যক্ষ (জেলা প্রশাসক কর্তৃক মনোনীত)	-	সদস্য
৫)	একজন বেসরকারি স্কুলের প্রধান শিক্ষক (জেলা প্রশাসক কর্তৃক মনোনীত)	-	সদস্য
৬)	একজন বেসরকারি স্কুলের প্রধান শিক্ষিকা (জেলা প্রশাসক কর্তৃক মনোনীত)	-	সদস্য
৭)	সিটি কর্পোরেশনের মাননীয় মেয়রের প্রতিনিধি	-	সদস্য
৮)	আঞ্চলিক পরিচালক, মাধ্যমিক ও উচ্চ শিক্ষা অধিদপ্তর	-	সদস্য সচিব।

গ) জেলা প্রশাসক কর্তৃক প্রতিষ্ঠান নির্ধারণের জন্য নিম্নরূপ কমিটি গঠন করা হলো :

১)	জেলা প্রশাসক	-	সভাপতি
২)	প্রধান নির্বাহী কর্মকর্তা অথবা সচিব, জেলা পরিষদ	-	সদস্য
৩)	অতিরিক্ত জেলা প্রশাসক (শিক্ষা)	-	সদস্য
৪)	স্থানীয় সরকারি কলেজের অধ্যক্ষ (জেলা প্রশাসক কর্তৃক মনোনীত)	-	সদস্য
৫)	জেলা শিক্ষা অফিসার	-	সদস্য সচিব

ঘ) স্থানীয় মাননীয় সংসদ সদস্য/সংসদ সদস্যগণ কমিটির উপদেষ্টা থাকবেন। মাননীয় সংসদ সদস্যগণের পরামর্শক্রমে কমিটি প্রতিষ্ঠান নির্বাচন করবে:

৪। শিক্ষা প্রতিষ্ঠান নির্বাচন:

- (১) মন্ত্রিপরিষদ বিভাগ কর্তৃক এ.বি.সি. গ্রেডের জেলার তথ্য বিবেচনাস্তে “এ” গ্রেডের জন্য ৬টি “বি” গ্রেডের জন্য ৫টি ও “সি” গ্রেডের জন্য ৪টি হিসেবে জেলাওয়ারী প্রতিষ্ঠানের সংখ্যা নির্ধারণ স্ত্রে অর্থ মন্ত্রণালয়ের সম্মতি গ্রহণ পূর্বক জেলা প্রশাসকগণের নিকট প্রতিষ্ঠানের নামের তালিকা চাওয়া হবে ;
- (২) ৬৪টি জেলায় গ্রেডওয়ারী উপরোক্তভাবে নির্ধারিত বিভাজন স্ত্রে সকল জেলা প্রশাসকের অনুকূলে বরাদ্দ প্রদান করা হবে।

২৭

- (৩) জেলা প্রশাসকগণ ৩০ সেপ্টেম্বরের মধ্যে শিক্ষা প্রতিষ্ঠানের তালিকা সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বরাবর প্রেরণ করবেন।

৫। শিক্ষা প্রতিষ্ঠান নির্বাচনের ক্ষেত্রে নিম্নবর্ণিত নির্দেশনা অনুসরণ করতে হবে:

- ১) যে সকল প্রতিষ্ঠান গত ৩ (তিন) বছরে কোন সরকারি সাহায্য পায়নি তাঁদেরকে অগ্রাধিকার দিতে হবে;
- ২) বিগত তিন বছর যে সমস্ত প্রতিষ্ঠান ল্যাবরেটরী যন্ত্রপাতি/সামগ্রী বাবদ সাহায্য পেয়েছে সে সমস্ত প্রতিষ্ঠানে উক্ত সাহায্য দেয়া যাবে না;
- ৩) প্রত্যন্ত গ্রামীণ অসচ্ছল শিক্ষা প্রতিষ্ঠানকে ল্যাবরেটরী যন্ত্রপাতি/সামগ্রী প্রদানের ক্ষেত্রে প্রাধান্য দিতে হবে;
- ৪) প্রতিটি অঞ্চলে সুমম বন্টন নীতিতে শিক্ষা প্রতিষ্ঠান নির্বাচন করতে হবে;
- ৫) ছাত্র-ছাত্রীর সংখ্যা, প্রতিষ্ঠানের প্রকৃত চাহিদা ও বিগত ৩ বছরের পাবলিক পরীক্ষার ফলাফলের ভিত্তিতে শিক্ষা প্রতিষ্ঠান নির্বাচন করতে হবে;
- ৬) জরুরী প্রয়োজন বা যুক্তসঙ্গত কারণ ছাড়া নগর বা মেট্রোপলিটন এলাকার শিক্ষা প্রতিষ্ঠান নির্বাচন নিরুৎসাহিত করতে হবে।

৬। ল্যাবরেটরী যন্ত্রপাতি/সামগ্রী সংগ্রহ:

- ১) বরাদ্দ প্রাপ্তির পর যাবতীয় আর্থিক বিধিবিধান ও নিয়মাচার যথাযথভাবে প্রতিপালনপূর্বক নিম্নোক্ত কমিটির মাধ্যমে ল্যাবরেটরী যন্ত্রপাতি/সামগ্রী ক্রয় করতে হবে:
 

(ক) উপজেলা নির্বাহী অফিসার	-	সভাপতি
(খ) সহকারি কমিশনার (ভূমি)	-	সদস্য
(গ) উপজেলা সমাজসেবা কর্মকর্তা	-	সদস্য
(ঘ) উপজেলা মাধ্যমিক শিক্ষা অফিসার	-	সদস্য
(ঙ) সহকারী প্রোগ্রামার (UITRCE)	-	সদস্য
(চ) সংশ্লিষ্ট প্রতিষ্ঠান প্রধান	-	সদস্য সচিব
- ২) ল্যাবরেটরী যন্ত্রপাতি/সামগ্রী ক্রয়ের পর সংশ্লিষ্ট প্রতিষ্ঠান প্রধান প্রতিষ্ঠানের রেজিস্টারে তা লিপিবদ্ধ করবেন এবং উর্ধ্বতন কর্তৃপক্ষের পরিদর্শনের সময় তা প্রদর্শন করবেন;
- ৩) ল্যাবরেটরী যন্ত্রপাতি/সামগ্রী ক্রয়ের বিষয়টি যাচাই করার জন্য মাধ্যমিক ও উচ্চ শিক্ষা অধিদপ্তরের কর্মকর্তাগণসহ জেলা ও বিভাগীয় পর্যায়ে প্রশাসনিক/শিক্ষা কর্মকর্তাগণ সংশ্লিষ্ট শিক্ষা প্রতিষ্ঠানগুলো পরিদর্শন ও মনিটরিং করবেন এবং এ বিষয়ে কোন অভিযোগ পাওয়া গেলে বিভাগ/মন্ত্রণালয়কে অবহিত করবেন।

৭। শিক্ষা প্রতিষ্ঠান নির্বাচন ও অর্থ বরাদ্দ সংক্রান্ত অনুচ্ছেদ ৩, ৪ ও ৫ এর নির্দেশনা সত্ত্বেও প্রয়োজনবোধে এ কর্মসূচির আওতায় শিক্ষা প্রতিষ্ঠান নির্বাচন ও তাদের অনুকূলে প্রয়োজনীয় অর্থ বরাদ্দের ক্ষমতা এ বিভাগের থাকবে এবং প্রয়োজন অনুসারে এতদসংক্রান্ত বিষয়ে সময়ে সময়ে জারিকৃত বিভাগের নির্দেশনাবলী এ নীতিমালার উপর প্রাধান্য পাবে।

সোহরাব হোসাইন  
২৩/৯/১৯১৭  
(মো: সোহরাব হোসাইন)  
সচিব